

ſterung / ſagen köndte: weder H. Matthias Martinius noch vnſer Scribent hat ſolche rauhe Wort verdienet: ſintemal beyde ſindt mit ihren Widerſachern/Martinius mit Menzero vnd vnſer Scribent mit Hoen, gar freundlich vmbgangen/vnd haben ihre Sache auß Gottes Wort außgeföhret.

pag. 45.

D. Hoe: Wollet ihr ſo zarte Märtyrer vnd Heyligen werden/ die nicht ein ſcharpffes Wörlein leyden können? wie kompts dann daß ihr ſonſt allenthalben von der Caluiniſten gewaltigen Martyriis vnd groſſen Elende/ welches ſie frewdig außgeſtanden/rühmet vnd pranget?

Ant. Wie vnſere Leuthe groſſe Verfolgung/ Marter/ Angſt/ Elendt/ vnd den bitteren Todt häufig außgeſtanden; iſt Weltkündig vnd ſonderlich auß dem groſſen Martyrbuch zu ſehen. D. Hoe darff vnſer hie nit ſpotten. Wie dann Ioach. Weſtphalus wider Iohannem á Laſco, die Chriſten ſo in Franckreich/ Niderlandt/ vnd an andern Orten/ von Papiſten ſind getödet worden/ Teuffels Märterer nennen darff. Es heiſſet:

Sanguine fundata eſt Eccleſia, ſanguine creuit,

Sanguine ſucceſcit, ſanguine finis erit.

Gleichwol ſollen wir vns auch nit Muthwillig in Gefahr ſetzen / vnd vnbillicher Weiſe ſchmähen laſſen / damit nit die Wahrheit hiermit auch angefaſtet werde. Wer will ſich gern außmachen vnd ſchänden laſſen / wann erſ anders haben kan? daher bittet auch David Pfalm. 39. v. 9. **HERR** / laß mich nit den Narren eine Schmach werden.

Ferner auff folgendem halben Blat erzehlet Hoe vnſer Exempel / wie pag. 46.
D. Gedick vnwiſſendt Caluini Büchlein gelobet habe. Da wider ſtreitet er auff anderthalben Blättern pag. 47. 48. 49. beruffet ſich auff D. Gedicum p. 46. 47. ſelbſt/ vnd/ mit wenig Worten zu ſagen/ beyde Doctores, Hoe vnd Gedick, 48. verneinen ſolche Tzehlung gänglich / vnd nennen es eine groſſe erſtunckene **WISSEN** / wie D. Gedick zum Ende dieſes Prodromi Hoeani auff dritt. halben Blättern pag. 212. 213. 214. 215. 216. weisläufftig hienon declamirer.

Was ſollen wir nun hergegen thun? wir bekennen/ daß wir bey dieſer Handlung nicht ſelbſt geweſen / noch eins oder das ander von Sigismundo Forchtenaw Kammer Secretario (auff deſſen Zeugnuß der mehrertheil beruhet) gegenwärtig angehört haben. Damit aber der Wahrheit nichts benommen wird.

Vnterdeſſen haben wir das jentge/ was wir in Reſponſo Solido p. 19. geſchrieben/ von alien/ fürnemen / vnd beglaubten Leuthe bekommen / die

§ iij

mit